

त्स॒ष्पृ॒शते॒ तदा॒त्मन्कुरु॑ते ॥ ११ ॥ अथ॒ यत्सौ॒म्यः । चरु॑र्भवति॒ यदे॒वास्मा॑ऽअग्नि॒दा-
ता॒ वर्चो॑ द॒दाति॒ तस्मिन्ने॒वैत॒दन्तः॑ प्र॒तिति॑ष्ठति॒ यद्वै॒ वर्च॑स्वी क॒र्म चि॒कीर्ष॑ति श-
क्नोति॒ वै तत्कर्तुं॑ तद्वर्च॑ ए॒वैतदु॒पैति॒ वर्च॑स्वी सू॒याऽइति॒ नो ह्यव॑र्च॒सो व्या॒त्या
चनार्थो॑ऽस्ति तस्य॒ बभ्रु॑र्गो॒दक्षि॑णा स हि सौ॒म्यो यद्व॒भ्रुः ॥ १२ ॥ अथ॒ श्वो भू॒ते ।
वैश्वान॑रं द्वा॒पश॑कपालं पुरोडा॒शं निर्व॑पति॒ वारु॑णं यवम॒यं चरुं॑ ता॒भ्यामनू॑चीनाहं
वेष्टि॑भ्यां य॒जते॒ समान॑वर्हि॒भ्यां वा ॥ १३ ॥ स यद्वैश्वान॑रो भ॒वति । संवत्स॑रो वै
वैश्वान॑रः संवत्स॑रः प्र॒जाप॑तिः प्र॒जाप॑तिरेव तदू॒मानं॒ प्रजाः॒ ससृ॑जे भू॒मानं॒ प्रजाः॒
सृष्ट्वा॒ सूया॑ऽइति॒ तथो॑ऽए॒वैष॒ एत॒दूमानं॒ प्रजाः॒ सृज॑ते भू॒मानं॒ प्रजाः॒ सृष्ट्वा॒ सूया॑
ऽइति ॥ १४ ॥ अथ॒ यद्वा॒दश॑कपालो भ॒वति । द्वा॒दश॒ वै मा॒साः संवत्स॑रस्य संव-
त्स॒रो वैश्वान॑रस्तस्माद्द्वा॒दश॑कपालो भ॒वति ॥ १५ ॥ अथ॒ यद्वा॒रुणो॑ यवम॒यश्चरु॑र्भ-
वति । तत्सर्व॑स्मादे॒वैतद्व॑रुणपाशात्सर्व॑स्माद्वरु॒णया॑त्प्र॒जाः प्र॒मुञ्च॑ति ता॒ अस्या॑नमी-
वा॒ अकिल्बि॑षाः प्र॒जाः प्र॒जाय॑न्तेऽनमी॒वा अकिल्बि॑षाः प्र॒जा अभि॑ सू॒याऽइति॒
॥ १६ ॥ ऋष॑भो वैश्वान॑रस्य द॒क्षिणा । संवत्स॑रो वै वैश्वान॑रः संवत्स॑रः प्र॒जाप॑-
तिर्ऋष॑भो वै पशूनां प्र॒जाप॑तिस्तस्मादृष॑भो वैश्वान॑रस्य द॒क्षिणा कृ॑त्तं वा॒सो वा-
रु॒णस्य॑ तद्धि वारु॑णं यत्कृ॑त्तं यदि कृ॑त्तं न वि॒न्देदपि॑ यदे॒व किं च वा॒सः स्याद्व-
न्धिभि॑र्हि वा॒सो वारु॑णं वरु॒ण्यो हि ग्रन्थिः ॥ १७ ॥ ब्राह्म॑णम् ॥ ४ [२. ५.] ॥ द्वि-
तीयोऽध्यायः [३२.] ॥ ॥

अ॒रुणो॒रग्नी॒ समारो॑क्ष्य । सेना॒न्यो गृह्ण॑न्प॒रेत्या॒ग्रेऽनी॒कव॑तेऽष्टा॒कपालं॑ पु-
रोडा॒शं निर्व॑पत्यग्निर्वै दे॒वता॑नामनी॒कः सेना॒या वै सेना॑नीरुनी॒कं तस्मा॑द॒ग्रे
ऽनी॒कव॑तऽएतद्वा॒ऽअस्यै॒कः र॒त्नं यत्से॑नानीस्तस्मा॒ऽएवै॒तेन॑ सू॒यते॒ तः स्वम॑नप-
क्र॒मिणं॑ कुरुते तस्य द्धि॒रण्यं द॒क्षिणा॒ग्नि॒यो वा॒ऽएष॒ यज्ञो॑ भवत्यग्रे र॒तो द्धि॒रण्यं
तस्मा॑द्धि॒रण्यं द॒क्षिणा ॥ १ ॥ अथ॒ श्वो भू॒ते । पुरो॑हितस्य गृह्ण॑न्प॒रेत्य॒ बार्हस्प॑त्यं